



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

MDCCCXIX. Revers des Kurfürsten über diese Belehnung, vom 12. Oct.  
1464.

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

berg, am freytag nach sant Dionisien tag, Nach Cristj vnfers liebenn heren geburt vrtzehnhundert vnd dornach in dem virvndsechtzigsten jaren.

Nach dem Kurr. Lehnscopialbuche III, 91. — König's Reichs-Archiv (Bd. V.) Part. spec. III, 310.

MDCCCXIX. Revers des Kurfürsten über diese Belehnung, vom 12. Oct. 1464.

Wir Fridrich, vonn gots genaden Marggraue Zu Brandenburg, kurfurst, des heyligenn romischen reichs Ertzkamerer vnd burggraue zu Nurmberg etc. Bekennen offentlich mit disem brieff fur vnns vnfer erben vnd nachkomen, das vnns der Erwidig jnn got vnser befunder lieber herre vnd frund, her jörg, Bischoue zu Bamberg, vnser lehen, die wir von jm vnd demselbenn seinem Stifft zu lehenn empfaben sollen, verlyhenn hat vnd wir dieselben vonn jm empfangenn habenn, mit Nomen das oberst kameramt des genanten Stiffts mit allen seinen zugehorungen, stuckenn vnd lehenn in der marck zu Braundburg oder hie aussenn gelegenn, wat der werenn die zu demselbenn kameramt gehorenn vnd die vnser lieber herre vnd vater seliger vnd sein vorfarn Marggraue Zu Brandenburg von dem Stifft empfangenn vnd zu lehen gehabt, Dorumb wir jm auch gewonlich lehenrecht als vns vater vnd vorfarn selig getan habenn: vnd so es zu schuldenn kompt, das vnser erbenn vnd nachkomen das empfabenn, auch in obgeschribenermas thun fullen ongeuerde. Wir wollenn auch getrewen fleys ankern zu erfarn was die stucken sein, so zu dem genanten Camerampt gehorenn, vnd was wir der erfahren, wollen wir vnserm heren vnd frund vonn Bamberg zu wiffenn thun vnd alddann dieselbenn stuck mit Nomen in ein New Reuers setzen Lassen angeuerde. Des zu vrkund habenn wir vnnes jusigel an dissenn Brief thun hencken, der gebenn ist zu Bamberg, am freytag nach Sannd Dionisien tage, Nach Cristj gepurt tausent virhundert vnd jm virvndsechtzigstem Jarenn.

Nach dem Kurrmärk. Lehnscopialbuche III, 91.

MDCCCXX. Kurfürst Friedrich bevollmächtigt Hertnit von Stein als Unterhändler am kaiserlichen Hofe in Betreff der Pommerischen Succession, am 19. October 1464.

Wir Fridrich etc. Bekennen vnd Thun kunt offentlich mit dissem briue, Als wir den wirdigen vnser Rat vnd liben getrewen hern hertniden vom Stein doctor Tumtechant zu bamberg etc. ytzund in den keyserlichen Hof gefertigt haben Von wegen der lehen, die durch abganck etwan herczog Otten vnfers liben Oheim herczog zu Stettin verledigt sind bej vnserm Allergnedigsten heren den Romischen keyser vnser gerechtikeit zu bitten vnd